

## **De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

Dvb. 1. Vtrum is, qui priuat aliquem per iniuriam aliquo sensu, vel vsu rationis, philtro, veneno, vel alio modo, teneatur ad restitutionem.

---

[urn:nbn:de:hbz:466:1-72459](#)

nitentiam & restitutionem. Vide Ambrosium & Theophylactum in hunc locum.

<sup>48</sup> Altera pars probatur: quia nemo obligatur ad impossibile. quod tamen propositum restituendi tunc sit necessarium, pater; quia ad remissionem peccati, necessaria est contrito, vel saltem attritio cum Sacramento: haec autem continent propositum restituendi; tum quia continent dolorem de peccato iniustæ ablationis, in quo dolore continetur implicitè propositum restituendi; tum quia continent propositum emendationis, & seruandi diuina præcepta, inter quæ est præceptum restituendi.

<sup>49</sup> Petet, Quale est præceptum restituendis, affirmatiuum, an negatiuum? Multi dicunt esse negatiuum, quia idem est dicere, *R. estiue, &c., Ne detine alienum.* Sed verius est, esse affirmatiuum. Primum, Quia præcipitur actus positivus; in negatiuo solùm præcipitur abstinentia ab aliquo opere positivo. Nec obstar, quod interdum videatur fieri restitutio sola cessatione detinendi: ut si deseras

domum vel agrum, quem vi occupasti: quia haec cessatio eò dirigitur, ut alter rem suam consequatur, statque æqualitas: & ita habet terminum positivum. Vnde est instar actionis positiva, qua impletur præceptum affirmatiuum. Secundum, Quia non obligat pro omni tempore, sed solùm quando est opportunitas restituendi. Negatiuum autem obligat pro omni tempore. Illud autem præceptum, *Ne detine alienum,* in re potius est affirmatiuum, quam negatiuum; quia non potest seruari, nisi per actum positivum; neque obligat pro omni tempore.

Adiuerte tamen, præceptum restituendi, nasci ex præcepto negatiuo, *Non furum facies.* Eiusdem enim rationis est furari, & detinere alienum, <sup>50</sup> *Oritur ex negatiuo.* cùm potes reddere. Vnde hoc ipso, quo præcipitur, *Non furaberis.* præcipitur etiam, *ut non detineas,* si potes reddere: & consequenter, *ut restituas;* quia actus restituendis est necessarius ad non detinendum alienum.

## C A P V T S E C V N D V M.

### De iniuriis & damnis in rebus spiritualibus, & necessaria restitutione.

*Complectitur Dubitationes 3.*

#### D U B I T A T I O P R I M A.

*Utrum is, qui priuat aliquem per iniuriam aliquo sensu, vel usurrationis, pheliro, veneno, vel alio modo, teneatur ad restituendam.*

<sup>1</sup> *Primitio  
mentis, vel  
senus, non  
potest pec-  
cata redendi.*

**S**OTVS lib. 4. q. 6. art. 3. in solit. 1. argumenti, & quidam alij putant pro his damnis præcisè consideratis esse faciendam restituendam pecuniariam, arbitrio boni viri.

Resp. breuiter, Verius videri, talem non teneri ad restituendam præcisè pro ipso damno sensuum, vel usus rationis, sed tantum pro damno temporali, quod inde sequitur: vt si non possit eam arte vel functionem obire, quâ lucrum faciebat, colligitur ex Gomezio tom. 3. c. 6. num. 12. vbi probat, cicatricem & deformitatem ex iniuria remanentem, non posse estimari à iudice vel offenso, *quia sicut liber homo nullus recipit estimationem;* ita nec cicatrix vel deformitas eius, quod expresse habetur L. fin. 7. de his, qui deteinerint vel effuderint. Idem docet Nauar. c. 15. nu. 19. & 20. multique alij infra citandi. Ratio est, quia haec damna nullo pretio sunt estimabilia; sunt enim in bonis, que supremum locum inter bona humana tenent; nec quidquam est in hominum potestate, quod his censeatur æquivalens: vnde per pecuniam non potest fieri compensatio. Itaque pro his satis est penitentia coram Deo, cum petitione venie pro iniuria illata, quando scitur auctor, sed de hoc infra cap. 9. Dubit. 23.

#### D U B I T A T I O I I .

*Utrum is, qui alterum grauerter levit in bonis animæ, pertrahendo ad peccatum, teneatur ad aliquam restituendam.*

**R**Esp. & Dico Primo, Qui alterum metu vel <sup>3</sup> fraude pertraxit in peccatum, tenetur ex iustitia ipsum, iuxta libertati restituere, & vim fraudemque tollere, ne ille in posteru simili modo peccet, est communis sententia DD. Probarur, quia minari, aut vim inferre, est contra iustitiam, si sine iusta auctoritate fiat: quæ numquam iusta esse potest, dum quis ad peccatum cogitur. Similiter decipere alterum falsa doctrina circa fidem, mores, vel artes humanas, sicut enim quisque habet ius iustitia, ne ab alio laedatur in corpore; ita etiam in anima laedatur inuitus, error: sed is, qui aliiquid facit contra iustitiam, tenetur lege iustitiae cessare, & quantum in se est, illud retractare, & irritum infectumque reddere: ergo ex iustitia tenetur vim tollere, minus remittere, fraudemque patere facere. Vnde non est verum, quod quidam docent, cum qui fraude pertraxit aliquem in errorem, si ille error non veretur in materia iustitiae (v.g. circa contractum vel restituendam) sed in materia